

四庫禁燬書叢刊編纂委員會

北京出版社

四庫禁燬書叢刊

集部第七六冊目次

寶日堂初集三十二卷(一)

〔明〕張鼎撰
明崇禎二年刻本

.....

寶日堂初集三十二卷（一）

〔明〕張鼎撰

明崇禎二年刻本

中國科學院圖書館藏

寶日堂初集叙

東郡葺翁許維新

叟也賸而侯盲而圃今少宰
世調公侯時所收士也守初
入郡世調以文贅奇而進之

許序一

雲間張氏刻

曰春闈中文宜簡直是吾厚
望子矣侯故望世調侯愧未
盡望世調世調今且為大臣
何春闈之是云哉憶曩日二
事侯頗望世調厚也世調家

赤貧下鄉磽确田拾畝裁糊

其口隣而豪者百計撙取之

世調單不能支而訟于府侯

獨慰世調捐田而訟息時世

調無立錫地也郡比里社世

許序二

調內舉其親弟以應侯召試

竟補諸生至再舉其從游弟

子指弗稱也仍謝去世調喜

而謝過感余意終身二事皆

末世交道中未有世調過索

夜半共宿舉此以謝侯教余
曰自省委世調厚者此也世
調即諸生間乎嶽嶽頭角廉
脩砥名行居常讀書自重有
穆然之思迨入中秘口誦手

許序三

批不捨寒暑其立言引義務
求有用不肯摹擬當世名人
其立朝卓然自信行其所安
決不肯尋聲逐影寄居人籬
落下故當路頗弗喜之

喜廟時天變陳言八事末言
慎宮闈大拂乳媪逆璫指旋
廢家居未幾褫削衣冠者五
年

許序四

天子新運訪落遺佚仍起于

家晉少宰揔

纂脩記注事瀕行哀次其生
平所著述而付其弟子汪生
維寬乃問序故侯侯圃矣盲
矣昔能識公諸生文今安能

讀公為館閣大臣文抑侯知
世調務求有用而行於文章
者夫學求明道文期適用不
會此意未許讀世調文夫世
調名滿天下天下人自能讀

許序五

之若叟也盲止憶望世調厚
乃世調真不負余以幸附于
世調之伯牙是初集也刻于
崇禎己巳嗣後當有續刻叟
年八十題

許序六



叙

大臣可以無技而不可以無學技為世用而學以用世者也國朝於文學侍從臣特以備爰立宜乎學術遠過漢唐宋萬萬而其文字語言俱足

真序一

真問說美對

為百代雄然而前賢之作誠多一似有抑焉而不樂以所長示者豈盡其才之故哉文章之用所以剗異同剖嫌似寫難明之意而樹不可搖易之準繩此行文之所便而行

世之所不便也方將起而相天下則必雍容養默以俟乎時之莫吾閑而已過而示其所然不然則天下舉得而意之或有非其所快焉者矣故以括囊之道用諸文章亦若

真序二

時使然焉夫士君子之於吾君也泊然其無所迎而未嘗無所期也其於天下也憊然其無所恃而未嘗無所立也端其質誠其言曉露諸筆墨未用則懷以獨存其是而用

則操之以前此亦暴質就材之理宜然也而一以韜光挫銳之說持之可乎管大夫始勉其君以王無已而退入於霸商君三進而三遷其說彼惟口吻談說故可遷就以曲

夏序三

私其所欲言使其著之於書又豈有前後相悖在頃刻間者乎則文章之不立怨亦非相學所誠宜也韓魏公為司諫不久上七十餘疏范文正公在天聖中為萬言書上宰

相及執政悉行其所言兩公固相業之宸偉者也而不難以其言預見之天下則天下之讀侗翁先生稿者當亦欣然想見其用世之學矣數十年以來天下之事莫大於遼

夏序四

則翁首疏籌遼天下之難莫慘于璫則翁有言戢璫而他文之所曉露無不挾雷動風行之致以振起一世之頑懦其寬大雍容之氣又盎然詞外使人樂容而有餘地雖游

戲所及片詞偶綴無不係乎
世教之大端斷乎若將進
之吾君而曰所期必如是也
見之天下而曰所立必如是
也翁方出而相天下而其所以
然不然不忍過慎而添韜之

夏序五

翁之為天下者誠切而亦豈
不知所以自慎耶三代而下
必以諸葛武侯為第一人而
其受知先主與其所自許惟
曰謹慎而已其抱膝隆中也
澹然一無所懷而規取荆蜀

畫定三分卓焉自負而不少
遜是其隱居謹慎之言也其
相蜀也處初附之衆斷之以
法限之以爵不少假借開誠
布公而赫然以混一為期是
其相國謹慎之業也則由翁

夏序六

之言以想見翁之業即謂翁
之謹慎正在是可也

晚學夏允彝謹述



寶日堂初集

校文姓氏

門人汪維寬

仲敷

汪維信

叔輿

汪維正

元直

汪維丕

仲謨

汪維奎

叔聚

汪以策

君可

汪以震

起仲

汪 苧

靈五

俱休寧人校刻

後學周秉緒

嗣服

華亭人

范廷芝

瑞明

休寧人

周 源

泉侯

華亭人校閱

婿徐念祖

無念

男張載徵

德輿

同校

寶日堂初集

總目

第一卷

詔諭

第二卷

奏疏

第三卷

奏疏

第四卷

表

第五卷

說

第六卷

書

第七卷

書

第八卷

表箋

附經筵講章

狀揭


解辨對考

啓

策

寶日堂初集總目

一



寶日堂初集卷之一目錄

擬詔諭

擬漢武帝罷田輪臺詔 開試

詔諭天下軍民人等 已未十一月
代內閣草

詔諭遼東將士軍民人等

告諭北關屬夷人等

告諭西虜朵顏三衛屬夷人等

詔諭天下軍民并遼東將士人等 庚申二月
代內閣草

寶日堂初集卷之一目錄

一

寶日堂初集卷之一目錄

寶日堂初集卷之一

擬詔諭

擬漢武帝罷田輪臺詔 開試

華亭張彙世調父著

詔曰蓋聞聖王應時而度事賴衆而規利是以動而無悔民用滋殖朕奉宗廟三十餘年享有蕃威不明不德喜功嗜戰越先帝之度間者誤聽貳師將軍廣利言絕幕以求單于師尋覆敗廣利降虜醜莫大焉夫絕域之事豈美計威靈所克定哉迺搜粟都尉丞相言設三校尉合騎卒田輪臺久駐

寶日堂初集卷之一

一

全書附錄備考

師以圖西域朕聞輪臺以西為捷枝渠犂故國地耕種禾黍土宜或未可知又師聚而待食食不給必取餉內郡餉遠必勞驅內地赤子暴露黃沙積日累月必傷必多師老易疲又久殘民主我客衆其後度必危人聚而不散兵危于前糧竭于後御之失制為亂甚易古之禦夷治其內而來之豈久勞師以要必得哉夫海內雕耗流離痛苦不務計所為富安休息戢亂褻獎良民求力田孝弟三老講教化之原而第信好事之口實疲衆以窮年月

朕即不能望孝文皇帝之仁儉何至今大漢之澤
自朕絕之朕心俱焉朕嘗有言天地不變不成施
化陰陽不變物不甞茂朕鑒前失而圖後新斯亦
變之候已自今諸屯田輪臺騎卒悉罷之第謹烽
火修馬復令利安元元為務無勤塞外不亟之事

詔諭天下軍民人等

已未十一月
內閣草

朕嗣祖宗丕基多歷年所期與海內共享仁壽
之福承平滋久不戒于邊賊未蠲而國用久虛兵
不詰而民力轉弱乃者奴夷小醜肆逆東方忘二

寶日堂初集

卷之一

二

百年覆載之恩悖予一人長養之德闖入邊地勾
我叛人更逆顏行反戕大帥士女慘于屠戮城堡
任其蹂躪神人共仇國法無赦朕惟疆場之重剪
鋤必及於封狐更憐赤子之危捷伐宜張于雄虺
厲我兵甲簡畀信臣軍興于茲亦已彌歲卒伍不
足丁男而多方召募糗糧靡克裕寔而設法徵加
膏脂須出民間鋒鏑皆我百姓念朕不德既不能
輕徭蠲稅于平時憐爾何辜乃欲其勤事奉公于
今日興言至此良疚于心惟急公者庶民之情而

恤下者 朝廷之德告爾衆庶仰體 皇恩有謀

畧者抱策而遠投有勇力者荷戈而先應簡用俱
聽撫院調遣各有行糧燕之內顧安家有司自宜
周恤至于各項錢糧起運以及郡縣存積有餘當
此空虛各宜清鮮若爾百姓畝稅之額原係一時
設處豈忍久累編氓况國家苟非軍興亦何樂科
歛至此朕方散財發帑用濟邊急以為爾先務令
食足兵精守固戰克蕩掃一隅之患陵永奠萬方
之安堵朕聞君民憂樂一體共之今日興師舉事

寶日堂初集

卷之一

三

而藉爾共其憂日後事已兵休而豈不與爾同其
樂其奴酋平定之後朕當寬卹大赦爾百姓決
不忍爾百姓久困兵間共衍壽考之鴻圖長沐太
平之膏澤豈不休哉別有恩典待事定施行故茲
詔示

詔諭遼東將士軍民人等

惟爾全遼屬夷拱衛邊塵不驚垂二百餘年既安
極而變生乃備疎而夷訐邇者奴賊背恩狂噬啓
釁東臨糾我叛人妄圖蠶食戕我大帥益肆狼貪

至于焚劫邊城憑陵重鎮捆載錙書屠戮生靈萬
民痛心天地不赦朕憂勤晝夜別簡經臣凱飭戎
行一新號令急爾遼師失事祗緣備禦無策付託
非人將帥各自為心而行陣失和兵民屢非其所
而主客不協士枵腹于浚剝由于賄賂之滋章將
袖手于逗遛本自紀綱之不肅師四出而未有成
策城孤立而不設于撤至于謀不知情烽多失候
總因治軍無律以至邊氣愈弛惟爾將領官員從
征軍士各懲積弊共勉新功朕戰守悉聽之軍中

寶日堂初集／卷之一

四

而賞罰必準於功過至於爾遼居民人等各奮忠
義共保室家或應募出効戎行或團結自行練習
無令妻子坐罹白刃務期醜類不返隻輪有級必
酬有功必錄朕當節用減費所有金幣大倉之賦
不惜蠲以濟遼其各府州縣加徵設處錢糧已着
戶部上緊催解陸續調發仍命餉臣查核出納寔
數以清乾浚務飽邊軍其經臣以下能擒奴醜雪
國仇即析爵分圭朕所弗靳若來不能禦攻不能
守去不能追將帥辜負功名遼民自傷性命朕三

尺不貸爾其無悔欽哉

告諭北關屬夷人等

爾等祖父世守忠順衛我全遼朝廷念爾勤勞
每加護恤不容奴賊併吞爾土奴賊侵犯國家亦
為不得逞志於爾安泰惱恨今奴賊節次攻陷邊
鎮不獨國家疆場告急爾地亦屬孤危且其內犯
猖狂令中國勞于扞禦便思長驅北擣併爾部落
今特觀釁未動正爾整兵秣馬之時爾宜益加修
飭協同備禦徐俟相機併力捷伐即今朝廷新

寶日堂初集／卷之一

五

用經畧大臣軍令一新旌旗改色天下調募雄兵
四集食足馬肥料此奴賊如魚游釜爾其盡心無
二仰報國家努力自強無墮爾祖父之業再念奴
賊素行強暴如南關凡刺灰扒等漸次殘滅以及
于爾爾若不來自存則迤西諸夷係爾親戚故舊
俱不可保爾當遣使一一聯屬協力剪除毋信彼
賊甘言厚幣自貽後患朕于屬國興滅扶危如昔
年之待朝鮮近歲之待爾亦諸夷所知也事大得
福黨逆取禍將吳擇焉如爾及各營能全軍獨克

取奴首來獻者即以奴賊土地畀之朕不食言故諭

告諭西虜朵顏三衛屬夷人等

爾等世受國恩護我邊境中國頻年撫賞優厚爾安享犒賜畜牧不驚念朝廷待爾有體有恩決不因爾橫行便多賞給亦不因爾帖服反失報酬奴賊背恩侵犯哄誘爾等與彼同逆殺傷士馬奴不與其危除革歲賞奴不損其利坐觀爾等擁眾擾邊奴因乘間益誑中國且奴性無親奴情甚謫

寶日堂初集

卷之一

六

今日誘爾內犯今其得志長驅他日乘勢併吞不復更有爾等惟誤墮其術中遂甘越我化外今朝廷徵兵百萬已集遼東食足兵精徐張捷伐料奴恠毒狂悖天地不容似釜游魚偷生有幾爾其感念國恩協心勦逆有能新獲奴首來獻者即以奴土地畀之永為世藩凡在今日爾等各有所應得歲賞朕決不吝其或爾等乘機構釁託言討賞搶掠地方朕戒軍士督兵大創永革賞賚惟爾助奴賊之虐自取危亡失中國之歡坐捐歲額其于剪

逆內附長享世恩利害孰多爾其自擇無忽朕言故諭

詔諭天下軍民并遼東將士人等

庚申二月內閣草

朕撫御華夷脩文飭武夙夜無怠于茲有年乃者東夷犯順蹂我邊疆人民流散將士傷殘朕痛切于心故簡用經畧大臣督兵防禦用申捷伐又調募四方壯勇出關協力戰守徵派各郡縣地畝銀兩以充兵餉夫兵非得已止期狡夷平靖則赤子安全武備朕不敢弛民力朕不敢竭乃兵興連歲

寶日堂初集

卷之一

七

東方將吏暴露勞苦加以兵調遣而轉弱餉添加而愈窮調無已時加無定額生靈幾何堪此重困朕奉天慈愛未嘗輕徇一人與民便安未嘗妄興一役惟此不得已之故爾臣民當共諒之其天下軍民人等有謀勇應募者朕當超格簡用有捐貲助邊者朕當賜級褒嘉郡縣有司各宜檢括存積以佐軍興閭閻小民各宜輸納額稅以充國計事平之後兵休于野餉還于民大赦寬恤朕不爾吝其遼東將士人等各奮忠義共保邊疆戰必先回